



UNIVERZITET U SARAJEVU – EKONOMSKI FAKULTET
Etički odbor

N/R Dekanese, prof. dr Jasmine Selimović
Članova Etičkog komiteta Univerziteta u Sarajevu

Sarajevo, 7. 2. 2023.

**PREDMET: MIŠLJENJE ETIČKOG ODBORA UNIVERZITETA U SARAJEVU – EKONOMSKI FAKULTET
O USKLAĐENOSTI DJELOVANJA I PONAŠANJA PROF. DR SABINE SILAJDŽIĆ S NAČELIMA I
PRAVILIMA ETIČKOG KODEKSA UNIVERZITETA U SARAJEVU**

Poštovana Dekanasa,

Na osnovu Vašeg zahtjeva za davanje mišljenja o usklađenosti djelovanja i ponašanja prof. dr Sabine Silajdžić s načelima i pravilima Etičkog kodeksa Univerziteta u Sarajevu, Etički odbor održao je sastanak dana 02. 02. 2023. godine. Predmetom razmatranja bio je email kojeg je kolegica Sabina Silajdžić poslala 27. 12. 2022. prof. dr Tariku Zaimoviću, nastavnicima Fakulteta, Rektor u Univerziteta u Sarajevu i Ministrici za nauku, visoko obrazovanje i mlade KS.

Na sastanku je pored članova Etičkog odbora prisustvovala i prof. dr Sabina Silajdžić kojoj je u skladu sa članom 32. Etičkog kodeksa omogućeno da se izjasni o relevantnim navodima i iznese svoje argumente i da izjašnjenje dostavi i u pisanoj formi. U svom izjašnjenju dostavljenom putem protokola 7. 2. 2023., prof. dr Sabina Silajdžić je navela:

„Ovim putem upućujem izvinjenje na riječniku, koji je neprimjeren akademskoj komunikaciji. Upućujem izvinjene navrijedljivim i pogrđnim riječima kojim se krše načela Etičkog kodeksa Univerziteta. S tim u vezi ističem (priznajem) narušavanje načela 5. i načela 12. kojim se propisuje obaveza poštivanja integriteta osobe i dostojanstva, te zabranjuje svaka vrsta uznemiravanja u smislu povrede ličnog dostojanstva. Dakle prijekor i osuda riječima sadržana u email-u nužno nije morala (nije smijela) sadržavati izražaj koji je uvredljiv.



Dodatno, izuzimajući formu neprimjerenog riječnika, suštinski sadržaj email-a predstavlja mišljenje u kojem se javno osuđuje neodgovorno i neprofesionalno postupanje odgovornih osoba Univerziteta, a u vezi sa (ne) donošenjem i (ne) usvajanjem Jedinственог pravilnika o plaćama i naknadama uposlenika Univerziteta. Izneseno mišljenje se zasniva na činjenicama koje se odnose na djelovanja i (ne)činjenja odgovornih osoba u procesu donošenja predmetnog Pravilnika. Istoimeni email odražava moje viđenje i stavove o problematici koja je predmetom razmatranja u emailu. S tim u vezi, pozivam se na akademsku slobodu (Član 8.), te Član 6., Načelo autonomije Etičkog kodeksa, kojim se osigurava pravno na autonomno djelovanje u skladu sa ciljevima Univerziteta.

Na koncu ističem obavezu članova akademske zajednice, da djeluju u skladu sa Članom 9., Načelo profesionalnosti, u smislu odgovornog, savjesnog i stručnog ispunjavanja svojih obaveza. U vezi sa posljednjim, mišljenja sam da, 'odugovlačenje' u procesu donošenja Pravilnika, nestručan i neodgovoran pristup u donošenju, kao i sam način izricanja stavova u vezi sa poreskim tretmanom naknada, od strane odgovornih osoba Univerziteta, predstavlja, kršenje istoimenog načela. Isto je predmetom prijekora i osude u email-u, dok o zakonitosti takvog postupanja nisam pozvana da sudim. No, posljedično takvo postupanje dovodi Univerzitet u nepravičan položaj u odnosu na druge javne VŠU, te ugrožava razvoj Univerziteta na principima međunarodne saradnje. Otud, moja gorčina i kivnja!"

Na sastanku članovi Odbora su raspravili pitanja koja su bila predmetom postupka i zauzeli mišljenje da korištena terminologija i navedene kvalifikacije u predmetnom email-u narušavaju temeljna načela Etičkog kodeksa koja tretiraju odnos moralno opravdanog i moralno neprihvatljivog ponašanja na Univerzitetu i u vezi sa njim. S tim u vezi, Komisija je mišljenja da pojedini dijelovi teksta u email-u, poput „psiho-patogenog obrasca ponašanja jednog čovjeka“, „Odjenuo si đavolji ogrtač!“, „Kad te sami đavo nadahnuo, vjeruj mi“, „Pod palicom snishodljivog prodavca magle, ostrašćenog u svojoj 'moć', željnog i žednog 'osvete'!“ i slično narušavaju načelo poštovanja integriteta i dostojanstva osobe, načelo jednakosti i pravednosti (u kontekstu uznemiravanja) te načelo profesionalnosti.

Članovi Etičkog odbora su mišljenja da korištenje uvredljivog jezika u predmetnom email-u predstavlja uznemiravanje Prorektora Univerziteta u Sarajevu Tarika Zaimovića i da pridonosi stvaranju neugodnih i neprijateljskih radnih okolnosti.

Komisija je mišljenje donijela jednoglasno.



Na kraju napominjemo da Etički odbor nije provjeravao navode iz zahtjeva i očitovanja niti ima istražne ovlasti utvrđivati činjenice po vlastitoj inicijativi a usklađenost predmetnog ponašanja je razmatrao prema načelima navedenim u Etičkom kodeksu Univerziteta u Sarajevu.

Srdačan pozdrav,

Prof. dr. Eldin Mehčić

Prof. dr. Meliha Bašić

Prof. dr. Šavala Isaković-Kaplan

Prof. dr. Lejla Turulja

Prof. dr. Emir Kurtić

Prilog:

- Očitovanje prof. dr. Sabine Silajdžić

Trg oslobođenja – Alija Izetbegović 1, 71000 Sarajevo, Bosna i Hercegovina, Tel: +387 33 275 900, Fax: +387 33 275 963
ID 4200494560236; PDV 200494560007
www.efsa.unsa.ba

